



Broj: 01-461/24

Datum: 15.04.2024. godine

Osnovnim školama Tuzlanskog kantona

**POZIV ZA PRIJAVU
NA POSEBNE EDUKACIJSKO – REHABILITACIJSKE POSTUPKE
ZA ŠKOLSKU 2024/25. GODINU**

Poštovane direktorice i direktori,

Zakon o osnivanju JU Zavod za odgoj i obrazovanje osoba sa smetnjama u psihičkom i tjelesnom razvoju Tuzla – prečišćeni tekst („Službene novine“ broj: 7/22 i 11/22) (u daljem tekstu: „Zavod“) članom 6. stav (1) alineja (7) kao jednu od djelatnosti propisuje pružanje stručne podrške i ostvarivanje saradnje sa redovnim školama.

Navedena djelatnost ostvaruje se kroz saradnju i stručnu podršku redovnim osnovnim i srednjim školama u radu sa učenicima sa teškoćama u razvoju, a što jedan od načina predstavlja i posebne edukacijsko – rehabilitacijske postupke (rehabilitacijski sadržaji koji se provode posebnim postupcima).

Na osnovu člana 11. stav (1) Pravilnika o odgoju i obrazovanju djece s posebnim obrazovnim potrebama u redovnoj osnovnoj školi, („Službene novine Tuzlanskog kantona“, broj: 7/19), poseban edukacijsko – rehabilitacijski postupak obuhvata postupke i aktivnosti koji uspostavljaju, obnavljaju, održavaju i/ili modifikuju učenikove senzorne, motoričke, jezičko-govorne, komunikacijske, kognitivne, psihološke, emocionalne i interakcijske sposobnosti, te vještine provođenja aktivnosti svakodnevnog života, a koje značajno utiču na rezultate učenja, te time i na odgojno – obrazovni proces.

U skladu sa naprijed navedenim, a u vezi sa članom 43. stav (2) Pedagoških standarda i općih normativa za osnovni odgoj i obrazovanje („Službene novine Tuzlanskog kantona“, broj: 12/22, 15/22 i 11/23) Zavod u školskoj 2024/2025. godini nastavlja sa organizacijom i provođenjem posebnih edukacijsko – rehabilitacijskih postupaka.

U okviru PERP-a u Zavodu će se organizovati sljedeći postupci:

Logopedski tretman - namijenjen učenicima s govorno – jezičkim teškoćama i specifičnim teškoćama u učenju (disleksija, disgrafija, diskalkulija) te ga provodi stručno lice, defektolog – logoped.

Logopedski tretman obuhvata: verbalnu stimulaciju, poticanje na komunikaciju, vokalizacija, razvoj i poboljšanje fine i grube motorike, razumijevanje govora i samostalno izvršavanje naloga, korekcija izgovora, razvoj spontanog govora, bogaćenje rječnika, vježbe pažnje i koncentracije, vježbe za pokretljivost govornih organa, vježbe disanja i opuštanja, opismenjavanje učenika.

Edukacijsko – rehabilitacijski tretman - namijenjen učenicima osnovnih škola s intelektualnim teškoćama, teškoćama u učenju, ADHD-om, poremećajima iz spektra autizma, motoričkim poremećajima, oštećenjima vida, te učenicima sa višestrukim teškoćama.

Edukacijsko rehabilitacijski tretman provodi stručno lice, defektolog – oligofrenolog, defektolog – somatoped, defektolog – tifolog odnosno, edukator – rehabilitator.

Edukacijsko - rehabilitacijski tretman obuhvata: unapređenje funkcionalnih sposobnosti, razvoj kognitivnih, komunikacijskih, emocionalnih, interakcijskih vještina, razvoj socijalizacije, razvoj vještina provođenja aktivnosti svakodnevnog života, unapređenje potencijala i unapređenje kvalitete života.

Ovim pozivom obavještavamo sve osnovne škole na području Tuzlanskog kantona koje pohađaju učenici s teškoćama u razvoju, a koji imaju Nalaz i mišljenje Prvostepene stručne komisije za procjenu sposobnosti i određivanje podrške djeci i omladini s posebnim potrebama, za koje



inkluzivni tim škole smatra da postoji potreba za određenom vrstom edukacijsko – rehabilitacijskog postupka da do 10.05.2024. godine donesu odluke Nastavničkog vijeća, te upute zahtjev za davanje prethodne saglasnosti Ministarstvu obrazovanja i nauke Tuzlanskog kantona, kako bi blagovremeno organizovali provođenje posebnih edukacijsko – rehabilitacijskih postupaka u Zavodu.

Dokumentaciju dostaviti Ministarstvu obrazovanja i nauke Tuzlanskog kantona.

Za više informacija možete nas kontaktirati na brojeve telefona: +387 62 391 115 ili +387 60 356 7875 te putem e-mail adrese: zavodzadjecu@montk.gov.ba

S poštovanjem,

DOSTAVITI:
1x Osnovnim školama –
1x a/a

VD DIREKTORA ŠKOLE

Halilović Aiša, prof.

